

## СОЛТҮСТІКТЕГІ ШАРУАЛАР ЕГІСКЕ ТАС-ТҮЙІН ДАЙЫН



Мемлекет басшысы Солтүстік Қазақстан облысына жұмыс сапарымен барды. Сапар аясында Президент көктемгі егіс науқанымен танысу үшін «Дайындық Агро» ЖШС-ға қарасты егістік алқабын аралап көрді.

### АУЫЛ ШАРУАШЫЛЫҒЫ АЛҒА БАСТЫ

Аталған шаруашылық дөңді, майлы дақылдар өсірумен және мал шаруашылығымен айналысады. Иелігінде 15,8 мың гектар егістік алқабы, 4,2 мың гектар жайылым жері бар. «Дайындық Агро» директоры Біржан Шәймер-

денов биыл гектарынан 25 центнер өнім алуды жоспарлап отырғанын айтты.

Президент дикандардың экспорттық сұранысы жоғары дақылдарды өсіруге бейімделгенін атап өтіп, шаруалардың еңбегіне оң баға берді.

Президентке көктемгі егіс науқанының барысы жөнінде мәлімет берілді. Өңір басшысы Айдарбек Сапаровтың айтуынша, егістік алқаптарына минералды тыңайтқыш жеткізу, көктемгі егіс жұмыстарына техника сайлау, дикандарды жанар-жағармаймен қамтамасыз ету ісі жоспарға сай орындалып жатыр. Биыл облыс бойынша 4,5 миллион гектар

жерге егін егіледі, оның ішінде 3,2 миллион гектарға – дөңді, дөңді-бұршақты дақылдар, 960 мың гектарға – майлы дақылдар, 353 мың гектарға – мал азығын, 34,1 мың гектарға – картоп, 6,2 мың гектарға – басқа да көкөніс түрлерін егу жоспарланған.

Азық-түлік қауіпсіздігін қамтамасыз ету үшін егістік алқаптарын әртараптандырып, әлеуметтік маңызы бар дақылдарды көбірек егу мәселесіне ұдайы назар аударылады. Соңғы жылдары облыста қарақұмық егу 3 есе, картоп, сәбіз, орамжапырақ секілді көкөністер алқабы шамамен 1,5-2 есе артқан.

(Жалғасы 2-бетте)



ТЕЛЕФОН АРҚЫЛЫ  
СӨЙЛЕСТІ



### ЖАРҚЫН ЖЕҢІСІМЕН ҚҰТТЫҚТАДЫ

Мемлекет басшысы Түркия Президенті Режеп Тайип Ердоғанмен телефон арқылы сөйлесті.

Әңгімелесу барысында Қасым-Жомарт Тоқаев Режеп Тайип Ердоғанды президент сайлауындағы жеңісімен құттықтады. Мемлекет басшысы Түркия Республикасының 100 жылдығы қарсаңында өткен президент сайлауындағы Режеп Тайип Ердоғанның айқын жеңісі оның Түркияны дамытуға қосқан зор үлесі мен қоғамдағы биік беделінің нәтижесі екенін атап өтті.

Президент бауырлас екі мемлекеттің сан ғасырлық ортақ тарихы мен мәдениетінің тамыры тереңде жатқанын атап өтіп, Түркиямен арадағы кеңейтілген стратегиялық серіктестікті одан әрі дамытуға дайын екенін жеткізді.

Қасым-Жомарт Тоқаев Режеп Тайип Ердоғанды биыл күзде түркі әлемінің рухани астанасы – Түркістанда өтетін Түркі мемлекеттері ұйымының 10-шы мерейтойлық саммитіне қатысуға шақырды.

Өз кезегінде Түркия Президенті Мемлекет басшысына алғысын айтып, бауырлас Қазақстан халқының өсіп-өркендей беруіне тілектестік білдірді.

## МЕМОРАНДУМҒА ҚОЛ ҚОЙДЫ

«AMANAT» партиясы мен Қазақстан халқы Ассамблеясы қоғамдық келісім мен жалпыұлттық бірлікті нығайту үшін бірлесіп жұмыс істеуге ниетті. Соған сайынтымақтастық туралы меморандумға кеше «AMANAT» партиясының Атқарушы хатшысы Елнұр Бейсенбаев пен Қазақстан халқы Ассамблеясы төрағасының орынбасары Марат Әзілханов қол қойды.



«AMANAT»-тың Атқарушы хатшысы Елнұр Бейсенбаев партия әрқашан әділдік, жауапкершілік, еңбекқорлық және отбасы мұратына адалдық сияқты ортақ мызғымас құндылықтарды нығайтуды жақтайтынын мәлімдеді.

«Мемлекет басшысы Қасым-Жомарт Тоқаев атап өткендей, татулық пен келісім тек мемлекеттік саясатта емес, қоғамда, үйде, ұжымда, жалпы, барлық жерде дәріптелуі қажет. «AMANAT» парламенттік көп-

шілік дауысқа ие және барлық деңгейдегі мәслихаттардағы орындардың 76,9%-ын иеленген партия ретінде, дәстүрлі ахлақ қағидаларын ілгерілету, мемлекеттік тілді дамыту, әйел құқығын қорғауды қолдау үшін әлеуеті жеткілікті. Өткен тоғыз айда елімізде бұрын-соңды болмаған түбегейлі саяси реформалар жүргізіліп, Әділетті Қазақстанды құрудың іргетасы қаланды. Халықтың бірлігі мен қоғамдық келісім еліміздің өркендеуінің шешуші шарты екеніне сенімдімін», – деді ол.

Қазақстан халқы Ассамблеясы төрағасының орынбасары Марат Әзілханов бүгінде ҚХА-ның негізгі міндеті – XXXII сессия шешімдерінің тиімді іске асырылуын қамтамасыз ету екенін атап өтті.

(Жалғасы 3-бетте)

## ҚАҢБАҚ САЛҒАН САЛМАҚ



Атбасарлық шағын шаруа қожалықтары биылғы көктемгі егіс науқанын аса қатты қиындықпен бастады. Киіктердің жыл сайын егінді таптап кетуінен титықтаған ірі серіктестіктер егіндерінің айналасын терең ор қылып қазып тастап, арты үлкен дауға айналған еді. Шаруалар жергілікті билік пен құзырлы органдардың еш келісімінсіз осындай қадамға барған. Егістік алқаптарын қызғыштай қорыған шаруалардың әрекетінен ұсақ шаруа қожалықтары зардап шеккен. Өйткені қазылған шұңқырларды жағалай жүрген киіктер енді ұсақ шаруа қожалықтарының жерін таптап кетіп жатыр.

7»

### «ОЛАРДЫҢ БІРІН ДЕ ҚАЛДЫРМАЙ ЖОҚ ҚЫЛУ КЕРЕК...»



1937 жылы қазақ зиялыларын айыптау мен қуғындау бұрынғыдан бетер күшейіп, шарықтау шегіне жеткені белгілі. Алашордашылардың әр басқан қадамынан теріс пиғыл іздеп, оларға кінә тағу да қалыпты іске айналды. Одан бөлек, бұқараның мұсылманшылықты берік ұстанған өкілдерін жау етіп көрсету саясаты да жүргізілді. Біз «Социалистік Қазақстан» газетінің 1937 жылғы нөмірлерін парақтап отырып, сол жылдардағы зұлматтың салқынын сезгендей болдық...

### ХАЛЕЛ ЖАЙЛЫ ШЫҒАРМАЛАР ЖАЗЫЛУҒА ТИІС



Биыл тарихи заңғар тұлға Халел Досмұхамедовтің туғанына – 140 жыл. Соған орай «Халел Досмұхамедов мұрасы және қазіргі қазақ қоғамы» республикалық ғылыми-тәжірибелік конференциясына келген Қазақстан зиялыларының мұрасын зерттейтін «АРЫС» қорының президенті, филология ғылымдарының докторы, Х.Досмұхамедов атындағы Атырау университетінің құрметті профессоры Ғарифолла ӘНЕСПЕН сұхбаттасқан едік.

## САЯХАТТАП ЖҮРІП, ТАБЫС ТАБАДЫ

Елімізде құрлық асып, шетел көргісі келетін жастардың қатары жыл санап артып келеді. Олардың арасында ел көріп қана қоймай, жұмыс істеп, қомақты табыс тапқысы келетіндері жетіп артылады. Бұл орайда олар Work and Travel сияқты бағдарламалардың шарапатын сезініп жүр.



7»







## МЕМОРАНДУМҒА ҚОЛ ҚОЙДЫ

(Басы 1-бетте)

«Барлығымызды біріктіретін ортақ құндылықтарды, идеяларды насихаттауымыз керек. Еліміздегі саяси партиялардың дамуы, үлкен электоралды үрдістің орын алуы, жаңа Мәжіліс пен мәслихаттардың жасақталуы — саяси реформалардың бір бейнесі. «AMANAT» партиясы — негізгі саяси күш. Біз бұған дейін де партиямен тығыз жұмыс істедік, бірлескен жұмысты әрі қарай да жалғастырамыз», — деді ол.

Меморандум патриоттық құндылықтарды қалыптастыруға

және Қазақстан халқының дәстүрлерін сақтауға бағытталған бірлескен қоғамдық, мәдени-бұқаралық және ғылыми-тәжірибелік іс-шараларды өткізуді көздейді. Тараптар сондай-ақ, халықтың құқықтық мәдениетін арттыруға және қоғамдық келісім мен жалпыұлттық бірлікті дамытуға бағытталған бірлескен диалог алаңдарын ұйымдастыру туралы уағдаласты.

Айта кетейік, партия сайлауды бағдарламасы аясында театрлар, кітапханалар, коммуникациялық, білім беру және демалыс орталықтарын қоса алғанда, еліміз бойынша жыл

сайын үш жүз мәдениет нысанының құрылысы мен жаңғыртылуын қамтамасыз етуді жоспарлап отыр. Сонымен қатар мәдениет, мұрағат және кітапхана қызметкерлерінің жалақысы екі есеге артады.

Еске сала кетейік, Қазақстан халқы Ассамблеясының «Әділетті Қазақстан: бірлік, тұрақтылық, даму» атты XXXII сессиясында Мемлекет басшысы Қасым-Жомарт Тоқаев ұлт бірлігін нығайту және этносаралық қатынастарды үйлестіру жөніндегі мемлекеттік саясаттың негізгі аспектілеріне тоқталған бағдарламалық сөз сөйледі.

## ТҮРҒЫНДАР ҚАРЖЫЛЫҚ САУАТЫН АРТТЫРУДА

Түркістан облысының Сауран ауданына қарасты Қарашық ауылы округінің тұрғындарына қаржылық сауаттылықты арттыру мақсатында «Қарыссыз қоғам» оқу семинары өтті. Пилоттық жоба аясындағы өткен оқыту семинарына 70-ке жуық ауыл тұрғыны қатысты.

Қаржы сарапшысы Жандос Әзімбаев курсына қатысушыларға қаражатты қалай жұмсау керектігі жайында толық ақпарат берді. Өз қаражатын тиімді басқаруға үйрену, қаржыға қатысты мәселелер қалай пайда болатынын және алаяқтық әрекеттерді қалай анықтау қажеттігі үйретілді.

Оларға ел экономикасын арттыруда халықтың атқарар ролі маңызды екені, сондықтан өсіп келе жатқан жас ұрпақтың қаржылық сауаттылығын арттыру аса қажеттілік тудырып отырғаны түсіндірілді. Мамандар семинарға қатысушыларға қаржыны игеру, аса қажеттілік болмаса несиеге ұрына бермеу жайында жаңа жақты дәйекті деректермен, мысалдармен жеткізді.

«AMANAT» партиясы Түркістан облыстық филиалының төрағасы, облыстық мәслихат депутаты Алтынсары Үмбеталиев қаржылық сауаттылық сабақтарынан білімін арттырған ауыл тұрғындарына сертификат табыс етті.



«Бүгінде 6,3 миллионға жуық қазақстандықтың банктік несиелері өтелмеген. Сонымен қатар 1,2 миллион қазақстандық микроқаржы ұйымдарынан несие алған. Бұл азаматтардың әлеуметтік әл-ауқатына әсер етеді. Қолжетімді несиелер, қаржы ұйымдарының жоғары пайыздық мөлшерлемелері, ең бастысы, қаржылық сауаттылықтың төмендігі — жыл сайын халықтың қарызының өсуін арттырады. Тұрғындардың қарыз ауыртпалық мәселесі жүйелі шешімді қажет етеді. Қазіргі уақытта 1 миллионнан астам адам кем дегенде бір несиеден кешіктіріп отыр. Сол себепті қаржылық сауаттылық бойынша алған білімдеріңіз өздеріңізге тиімді қызмет етсін», — деді Алтынсары Дүйсенбекұлы.

Сонымен қатар Түркістан облыстық мәслихатының депутаты, Шорнақ бастауыш партия ұйымының төрағасы Баймахан Сүлейменов білімін жетілдірген тұрғындарға алдағы уақытта та ұрпаққа үлгі боларлықтай сауат арттыруды жалғастырып, қарыссыз қоғамды қалыптастыру барысында айналасына үлгі болып, білгенін өзгелермен бөлісіп жүру қажеттігін атап өтті.

Қарашық ауылына дейін жалғастырынып отырған жобаға кез келген тұрғын қатыса алады. «Қарыссыз қоғам» оқу семинарына қатысқысы келетіндер тұрғылықты жерде орналасқан «AMANAT» партиясының аудандық филиалына хабарласып, тіркелуі қажет.

Назгүл НАЗАРБЕК,  
Түркістан облысы

## АЗАМАТТЫҚ АВИАЦИЯ КӨҢІЛ КӨНШІТПЕЙДІ

Еліміздегі жеті әуежайда әуе айлақтарға берілетін жарамдылық сертификатының қолдану мерзімі өтіп кеткен. Соған қарамастан, олар штаттық режимде жұмыс істеп тұр. Жолаушыларды әуе көлігімен тасымалдаудың қымбатшылығы және ұшу қауіпсіздігі мәселелері «AMANAT» партиясы жанындағы Сыбайлас жемқорлыққа қарсы іс-қимыл жөніндегі Республикалық кеңестің отырысында талқыланды.

Салада орын алған қазіргі жағдайды депутаттар «баға бейбастығы» деп атап отыр. Осылайша, Кеңестің жұмыс тобы азаматтық авиацияның ұшу қауіпсіздігін бақылау және қадағалау жөніндегі қызметтің тиімділігін зерттеп, көңіл көншітпейді деген қорытындыға келді. 2022 жылы қазан-желтоқсан айларында Ақтөбе, Зайсан, Балқаш, Шымкент, Павлодар қалаларындағы әуежайларда әуе айлақтарға берілетін жарамдылық сертификатының қолданылу мерзімі аяқталды. Ал Атырау және Қостанай әуежайларында биыл ақпанда аяқталды.

«Қазақстанның авиациялық әкімшілігі» АҚ биыл ұшу қауіпсіздігі мен авиациялық қауіпсіздік бойынша 400-ден астам тексеру жүргізуді жоспарлап отыр. Алайда Кеңестің жұмыс тобы мүшелерінің қатысуымен жоспардан тыс іріктеп тексеріс жүргізу жөніндегі ұсыныстан олар бас тартты. Себебі аталған ұйым әуежайларға жоспардан тыс тексеру жүргізе алмайтын көрінеді. Бұған қарап, жарамдылық сертификаты мүлдем маңызды емес деген ойда қаламыз», — деді партиялық бақылау инспекторы Венера Есілбаева.

Қазақстанның авиациялық әкімшілігінің (КАӘ) басшылығы Кеңес отырысына қатысқан жоқ. Атап айтқанда, бас директор Каталани Раду бірнеше аптадан бері партиялықтармен кездесуге уақыт таба алмады.

«Бізге партиядан тиісті өтініш келіп түсті. Оған қатысты жауапымды жолдадым. Ол кезде бас директор іссапарда жүрген еді. Кейін денсаулығына байланысты қашықтан жұмыс істеді. Ал дәл осы отырысқа ол халықаралық конференцияға қатысатындықтан келе алмады», — деді КАӘ ішкі қауіпсіздік жөніндегі аға инспекторы Нұрлыбек Сыздықов.

Сондай-ақ партиялықтар ішкі әуе тасымалындағы қазіргі баға деңгейін талқылады. Кеңес төрағасы, Мәжіліс депутаты Ерлан Саиров билеттің қымбатшылығына шағымданып азаматтар саны күн санап артып бара жатқанын атап өтті.

«Адамдар Air Astana және FlyArystan-ның баға саясатына тәуелді. Тұтынушыға қамқорлық жасалмайды. FlyArystan-ның билет құнына қарап,

бұл компанияны лоукостер деп айтуға ауыз бармайды. Отандастарымыз Астанадан Парижге ұшып баруға жететін қаражат жұмсауға мәжбүр. Оралдан Алматыға дейінгі билет құны 80 мың теңгеге дейін шарықтайды. Ал шетелде ұшаққа отырсаңыз, дәл осы

министрі Алмаз Ыдырысов ИИДМ тарапынан ешқандай компанияға мемлекеттік қолдау мен қорғау жасалмайтынын атап өтті. Министрлік тек ұшу қауіпсіздігін қамтамасыз етеді.

«Air Astana — «Самұрық-Қазына» қорына қарасты компания. Тиісінше,

Сонымен қатар тағы айта кетерлік мәселе, еліміздегі барлық әуежайдың айлақ маңындағы аумағында рұқсат етілмейтін нысандар, тұрғын үйлер, шаруашылық құрылыстар, коқыс үйінділері, тіпті қасапханалар бар. «Бұл жолаушылардың өмірі мен денсаулығына

ласына толығымен құрылыс салынған, бірақ соның ішінде 70 нысан аса үлкен кедергі келтіріп тұр. 25 үй және 45 темір-бетон электр жабдықтау бағанасы бар, әкімдік оларды ысырып, ұзындығын қысқартып жатыр. Бұл үйлердің барлығы 10 жылдан астам уақыт бұрын өз бетінше рұқсатсыз салынған. Үйді салып алып, содан кейін ғана заңдас-тыруға өтініш берген. Бұл мәселе бойынша үкіметтік комиссия жұмыс істеп жатыр», — деді ол.

Партиялықтар еліміздегі әуежайлардың айналасындағы коқыс полигондарының мәселесін де назардан тыс қалдырмады. Атап айтқанда, Алматы әуежайының 15 шақырымдық аймағында Алматы облысы тарапынан 351 коқыс төгетін орын табылды, оның 247-сі ғана жойылды. Бұл ұшу үшін қауіпті жағдай тудырады. 2022 жылы ұшақ құстармен соқтығысқан 46 жағдай тіркелсе, Оңтүстік астананың әуе айлағында осындай 23 оқиға орын алды. Атырау қаласының әуежайы маңындағы жағдай да көңіл көншітпейді.

«Әуеайлақ маңынан 15 шақырым радиус аумақта мал сою алаңдары, ауыл шаруашылығы алқаптары, мал базарлары, сондай-ақ тамақ қалдықтарын тастайтын орындар анықталды. Жолаушылар әуежайдың айналасы коқыстан көрінбейтінін айтады. «Хиуаз Доспанова халықаралық әуежайы» АҚ 2016 жылдан бастап Атырау қаласының әкімдігіне қалалық коқыс алаңын басқа жерге көшіру туралы бірнеше рет хат жолдады. Алайда барлық хат жауапсыз қалды», — деді партиялық бақылау инспекторы Венера Есілбаева.

Мәжіліс депутаты Ерлан Әбдиев әуе тасымалдаушылардың әлеуметтік жауапкершілігі мәселесін қозғады. Ол Қазақстаннан басқа, әлемнің көптеген елінде оның ішінде Озбекстанда, Қырғыз республикасында және Ресейде ерекше қажеттіліктері бар адамдар үшін әуе билеттері жеңілдікпен сатылатынын алға тартты.

«Мүдектігі бар адамдар үшін әуе көлігімен қатынауды дұрысырақ. Себебі теміржол мен автокөлікке қарағанда ұшақта жоғары сервис пен барлық жағдай бар. Бұл, әсіресе, қимыл-қозғалысы шектеулі азаматтарға қатысты. Неге отандық әуекомпаниялар мүдекеттерге де, оларды алып жүретін адамдарға да жеңілдік бермейді? Бұрын осы тақырыпқа қатысты депутаттық сауал жолдаған болатынымын», — деді халық қалаушысы.

Жыын қорытындысы бойынша Кеңес өңірлердің әкімдіктеріне әуежайлардың маңында рұқсат етілмеген құрылыс мәселесін шешуді және айлақ маңындағы коқыстарды жою жөнінде шаралар қабылдауды ұсынды.

Ерке ЕРҚОҢЫП



“

«Әуеайлақ маңынан 15 шақырым радиус аумақта мал сою алаңдары, ауыл шаруашылығы алқаптары, мал базарлары, сондай-ақ тамақ қалдықтарын тастайтын орындар анықталды. Жолаушылар әуежайдың айналасы коқыстан көрінбейтінін айтады.

стратегиялық міндеттерге де солар жауап беруі тиіс. Ал баға мәселесіне келетін болсақ, оны ҚР Бәсекелестікті қорғау және даму агенттігі белгілейді. Халықаралық тәжірибеге сәйкес, авиабилет құнын белгілеу мәселесі заңнамалық тұрғыда реттелмейді. Оны авиакомпаниялар нарық шартына сай айқындайды. Қазақстандық авиакомпаниялар авиабилеттерге баға белгілеу кезінде динамикалық баға белгілеу жүйесін қолданады», — деді вице-министр.

Қазақ тарихында қанды өріппен жазылған ашаршылық жылдары күн өткен сайын зерттеу мен зерделеуді қажет етіп отыр. Себебі бүгінгі күннің ұрпағы өткенін таныу, тамырынан ажырамауы керек. Мемлекет басшысының тікелей тапсырмасына орай, Сенат Төрағасының бастамасымен ақтаңдақ жылдарға қатысты тарихи құжаттарды жан-жақты зерттеу және талдау жұмыстары жүргізіліп жатыр. Жақында «Ашаршылық. Голод. 1928-1934. Деректі хроника» атты еңбектің 6-7 томы көпшілікке таныстырылды. Біз Сенат депутаты Нұртөре Жүсіпке хабарласып, жинақта жарық көрген тың деректер жайлы сұрадық.

**Нұртөре ЖҮСІП,**  
сенатор:



# ЗҰЛМАТ ЖЫЛДАР ТЕРЕҢ ЗЕРТТЕУДІ ҚАЖЕТ ЕТЕДІ

— Бұған дейін Саяси қуғын-сүргін және ашаршылық құрбандарына арналған бес томдық жинақ жарық көрді. Оған тағы екі том қосылып отыр. Зобалаң жылдарға қатысты тың деректер мен құжаттарды жинау қиына соқпады ма?

— Біздің қазақ үшін ХХ ғасыр сұмдық сұрапыл оқиғаларға толы болды. ХХ ғасырдың 20-50 жылдарындағы саяси қуғын-сүргін зобалаңы — халқымыздың тарихындағы қасіретті кезең. Әсіресе, 1921 және 1931-1933 жылдар аумағын қамтыған ашаршылықтың зардабы айрықша болды. Халқымыздың тең жартысынан астамы қырылды, қалғаны кейін репрессияға ұшырады.

Қазақстан тәуелсіздік алғаннан кейін осы нәубеттің құрбандарын мәңгі есте қалдыру үшін мемлекеттік деңгейдегі тиісті шараларды жүзеге асыра бастады. 2020 жылы Мемлекет Басшысы Қасым-Жомарт Кемелұлы Тоқаев саяси қуғын-сүргін құрбандарын толық ақтау туралы бастаманы көтерді, арнайы жарлық шығарды. Бүгінгі күні осы бастаманың аясында мемлекеттік комиссия құрылып, тиісті жұмыстар жүргізілуде. Көптеген ақтаңдақ ашылып жатыр.

Соңғы екі жылдың ішінде Мемлекет басшысының тапсырмасына орай Сенат Төрағасының бастамасымен ашаршылық тақырыбына арналған бес томдық құжаттар жинағы әзірленді. Ашаршылық тақырыбы кейінгі кездері ғана кеңінен зерттеле бастады. Кеңес кезінде бұл мүлдем жабық болды. Қазіргі таңда қазақ халқының жартысына жуығы қырылған 1930-32 жылдардағы ашаршылық біршама зерттеліп жазылғанымен, 1921-22 жылдардағы ашаршылық жөнінде біреншаран еңбектерде болмаса, ақиқат әлі толық ашыла қойған жоқ. Біз осы олқылықтың орнын толтыруды мақсат еттік.

Қазақ тарихындағы қасіретті кезеңге саяси баға беру үшін әуелі терең зерттеулер жүргізіліп, толық зерделеу қажет. Бұл үшін шаң басқан архивтерді мың қайтара ақтарып, кезінде «құпия», «аса құпия» деген құжаттарға қол жеткізу, оның бәрін ғылыми түрде жүйелеу — маңызды іс. Бұл жұмыстар білікті ғалымдардың қатысуынсыз атқарылмайтыны тағы белгілі. Сондықтан біз Л.Пумилев атындағы Еуразия университетінің ғалымдарын іске тарттық. Тарихты тану, өткенді ұмытпау, терең зерделеу — ұлттық сананы жаңғыртып, ұлттық дүниетаным қалыптастыру ісінде айрықша мәні бар тірлік. Сондықтан алдағы уақытта Сенаттың бастамасын тиісті мемлекеттік органдар мен ғылыми институттар қолдап, зерттеулер жалғаса береді», — деді.

— Бұл кітаптарда еш жерде жарияланбаған, бұрын-соңды айтылмаған ақпарат бары рас па? Мысал келтіре кетсеңіз?

— Әрине, тарихтың әлі зерттелмеген беттері көп, әрі қарай бұл бағытта зерттеу жұмыстары жалғасады. Жеті томдыққа 1708 құжат енген. Кеше тұсауы кесілген 6-7-томда 294 тарихи құжат бар. Авторлардың айтуы бойынша, материалдардың 90,5 пайызы тұңғыш рет ғылыми айналымға түсіп отыр. Бұл деректер, өз кезегінде, ғалымдардың зерттеуі үшін ауқымды құжаттамалық база болатыны сөзсіз.

Деректер мен құжаттарды жинауға келсек, өздеріңіз біле-

кендігі мен тереңдігі сондай томдарға қосылып жатыр. Бес томдықтан кейін де жұмыс тоқтамай, жалғасын тапты. Аталған жинаққа жаңа екі том қосылып отыр. Сіздің сауалыңызға келсек, зобалаң жылдарға қатысты деректерді жинау, архив актару, құжаттарды електен өткізу және сұрыптау оңай тірлік емес. Осы орайда жинақты әзірлеу ісіне белсене атсалысқан тарихшы ғалымдарға айтар алғысымыз шексіз. Олардың күнмен, түнмен санаспай жасаған қажырлы еңбегінің нәтижесі көрініп жатыр. Өткен аптада осы екі томдықтың тұсаукесер рәсімі Қарағанды облысы Долинка елді мекеніндегі КарЛАГ-та өткізілді. Саяси қуғын-сүргін және ашаршылық

тіндей, деректерді жинау және өңдеу жұмыстары — көп уақытты қажет ететін процесс, сонымен қатар деректердің құпиялығы мәселесін де ескеру қажет. Өйткені бүгінгі күнге дейін көптеген мәліметте құпиялық белгісі бар. Сондықтан бұл деректерді алу ерекше тәсілді қажет етеді.

Қазіргі таңда 7 том жарық көрді. Бұл томдарда өткен ғасырдағы оқиғалар туралы көптеген ақпарат бар, атап айтқанда, қазақ ауылдарын күштеп ұжымдастыруға байланысты қайғылы оқиғалар сипатталған. Күштеп тәркілеу және байларды жою саясатының нақты салдары деректермен ашылады. Қазақ ауылдарындағы таптық шиеленіс пен наразылық көңіл-күйінің қандай болғанын

ашаршылықта жалғыз қазақ емес, Қазақстанда тұратын ұлт өкілдерінің бәрі, яғни 250 мыңға жуық өзге ұлт өкілі қырылған деген де деректер бар. Жас ұрпақ мұның бәрін білуі қажет. Тек біліп қана қоймай, мұндай құрбандықтың ұлт өсіміне келтірген залалы мен зардабын терең сезінуі қажет. Кезінде «Жас тұлпар» ұйымының жетекшісі болған Мұрат Әуезов:

«1932 жылы миллиондаған қазақтар құрбан болды, олардың ішінде білімді азаматтар да кетті. Мұның бәрін, қазіргі біздің жастар білуге тиіс және есте сақтауы керек», деп әрдайым еске салып отыратын. Сол кісі айтқандай, Тәуелсіздік ұрпақтары өз тарихын, оның ішінде тарихи ақтаңдақтарды жақсы білуге тиіс.

Жинақтарда сол кездегі көптеген толық ақпарат, соның ішінде бұрын құпиялық белгісі болған немесе жай ғана жарияланбаған мәліметтер бар. Кітаптар тарихи оқиғалар мен фактілермен нығайтылған. Сондай-ақ оларда аштықтың алғышарттары мен қайғылы салдары туралы ақпарат бар. Барлық құжаттар еліміздің орталық және облыстық мұрағаттарынан алынды. Басқа елдердің мұрағаттарынан алынған фактілер де енгізілді. Нәтижесінде, бұрын жабық болған бірқатар құжат көпшілікке қолжетімді болды.

— Жинақта күні бүгінге дейін талас тудыратын ашаршылықтан қырылған халықтың саны туралы да тың деректер келтіріліпті. Дегенмен сол кезеңде санақ жүргізілген жауаптылардың түгелі дерлік ату жазасына кесілгені шын ба?

— Кеңес заманында демографиялық көрсеткіштер көбінесе жалпылама үгіт-насихат мақсатында қолданылғанын білесіз. Жинақта келтірілген мәліметтер тек сол кездегі материал мен статистикаға негізделген. Кеңестік режимнің, әсіресе 1932-1933 жылдардағы күштеп ұжымдастыру мен ашаршылық кезеңінде, демографиялық статистиканы жинау, қалыптастыру жүйесі қатты бұзылған. Сондықтан бұл мәселе әлі де терең зерттеп, зерделеуді, сондай-ақ кезі келгенде тарихи бағалауды қажет етеді.

— Байлардың қудалауға ұшырап, жер аударылғандары жайлы да айтылды. Бұлардың арасында дәулеті жетпесе де, жазықсыз қудалауға ұшырағандары болып па?

— Тарихи деректерге сүйенсек, сол жылдары қоғамдағы әлеуметтік мәртебеге немесе жағдайға қарамастан, әрбір екінші адам қудалауға ұшыраған. Халыққа келтірілген залалды бағалау өте қиын, өйткені статистика әртүрлі. Алдында 10-15 жылқысы бар шағын дәулетті адамдар жаппай жазалау құрығына ілігіп кеткен. Мұның бәрін айтқан жинақтардан таба аласыз. Негізінен келтірілген залал өте зор болды деп болжауға болады. Мән-жайды толығымен білу үшін тарихи деректерді әрі қарай мұқият зерттеу керек. Бұған бір мәселені қоса кеткім келеді. Кеңестік большевиктік билік бірінші кезекте елдің оқыған, көзі ашық адамдарын күртты. Репрессиялық машина алдымен діни сауаты бар адамдарды — имамдар, қожа, молдаларды тұрап тастады. Содан кейін қалың елдің аса ірі байларын, дәулетті адамдарын тағдыр тауқы-метіне ұшыратты. Осыдан кейін барып қазақтың кілең саяси элитасын жалмады...

— Тарихтың ақтаңдақ беттері қаншалықты ашылды? Алдағы уақытта осы еңбектің жалғасы бола ма?

— Тарих — бұл өткенді, тарихи оқиғалардың өзгеруінің нақты фактілері мен заңдылықтарын, қоғамның эволюциясын және оның ішіндегі қарым-қатынастарды зерттейтін ғылым. Дәлірек айтсақ, тарих — бұл оқиғалар тізбегін, сипатталған фактілердің объективтілігін анықтау және оқиғалардың себептері туралы қорытынды жасау үшін өткен туралы барлық дереккөздерді зерттейтін құрал. Жарық көрген кітаптардағы барлық фактілер мен оқиғалар тек тарихи деректерге негізделген. Бұл кітаптарда архивтерде және жабық мекемелерде сақталатын мәліметтер көлемінің аз ғана бөлігі қамтылған. Осыған байланысты зерделеу бағытындағы жұмыстары әрі қарай жалғасын табады деп ойлаймын.

— Әңгіменізге рақмет!

Сұхбаттасқан  
Көктем ҚАРҚЫН

# КЕМЕСІ ҚАДЫРБАЕВ

Қостанайда облыс өкімдігі мен Алаш ғылыми зерттеу институты «Алаш ардақтысы Сейдәзім Қадырбай: тұлғасы, мұрасы, қайраткерлігі» атты халықаралық ғылыми-тәжірибелік конференция ұйымдастырды.



Басқосуда өз заманында Алаш ұлт-азаттық қозғалысы мен оның көрнекті өкілі болған әскери қайраткер, заңгер әрі публицист Сейдәзім Қадырбайдың ғылыми-шығармашылық мұрасы, қоғамдық-саяси қызметі турасында әңгіме өрбиді.

Сондай-ақ «Алаш кітапханасы» сериясы бойынша жарық көрген «Сейдәзім Қадырбай Алаш заңгері» және түрік тілінде шыққан тағы бір зерттеу кітабының тұсауы кесілді.

Тарихшылардың айтуынша, Сейдәзім Құлмағамбетұлының қызметі мен шығармашылық мұрасы әлі толық насихатталмай отыр.

«Сейдәзім Қадырбай — Алаш идеясының төнірегінде қызметтік, әскери, ғылыми, құқықтық, заңгерлік, журналистік, басқа да салаларда мемлекеттің жазалау саясатына ұшырап, қудалау мен қуғын-сүргін көрген тұлғаның бірі де бірегейі болды. Өкінішке қарай, «Саяси қуғын-сүргін құрбандарын толық ақтау жөніндегі мемлекеттік комиссия туралы» Президентінің 2020 жылғы 24 қарашадағы №456 Жарлығында қуғын-сүргін құрбандарын, оның ішінде 1920-1950 жылдары қазақ халқының ұлттық бостандығы, Қазақстанның тәуелсіздігі мен аумақтық тұтастығы үшін советтік кезеңде саяси қуғын-сүргін құрбаны болған «қаһарман» күрескерлерді (яғни қаһармандар) толық саяси ақтау көзделген. Сейдәзім Қадырбайұлының ардақты есімі 1966 жылы ақталса да, қоғамда оның қандай тұлға екені, қызметі мен шығармашылық мұрасы толық насихатталмай келді. Тек соңғы 5-6 жылдың айналасында ғана Сейдәзім Қадырбайдың Алаш қайраткері, заңгер-ғалым, публицист, ұлттық әскерімді құрушылардың бірі ретінде айтыла бастады. Бүгінгі конференция сондай шаралардың бірі. Сонымен қатар өзінің туған өлкесі Қостанай өңірінде алғаш рет ұйымдастырылып отыр», — дейді Qyr balasy қоғамдық қорының негізін салушы, алаштанушы Елдос Токтарбай.

Негізінен Сейдәзім Қадырбаев атына жеке конференция ұйымдастыруды Тарғын Әбеннов ақсақал бастама етіп көтерген.

«Осыдан кейін С.Қадырбайдың тұлғасын тану, зерттеу мен зерделеу мәселесін қолға алдық. 2019 жылы алғаш рет атакты заңгердің шығармашылық мұрасы жинақталып, мемлекеттік бағдарлама аясында 2021 жылы жарық көрді. Еліхан Бөкейхан Алаш ғылыми зерттеу институты және Сейдәзім Қадырбай Алаш арысының ұрпақтарының ұйымдастыруымен тағдырының соңғы кезеңдері өткен Воронеж қаласына тарихи-танымдық экспедиция ұйымдастырып, архивтік тын мәліметтер негізінде деректі фильм түсіріліп шықты. Сондай-ақ «Міржақып. Оян, қазақ!» көркем фильмінде (режиссері — М.Есжан) Сейдәзім бас кейіпкер Міржақып Дулатұлының айнымас, қандыкөйлек досы ретінде сипатталып, көрерменнің ықыласына бөленді.

Сейдәзім Қадырбай да өз білімін, мансабын, күш-қуатын сарқа жұмсап, тең емес жағдайға қарамастан, большевик-сталиндік билікке қарсы ымырасыз күрес жүргізген тұлға», — дейді Е.Токтарбай.



Сейдәзім Қадырбай — заңгер, құқық саласының білгірі. Қазақтың саяси-құқықтық ойлау ілімінің қалыптасуына, дамуына үлес қосқан, қазақ тілін заң тіліне айналдырған тұлға. Құқықтық-саяси құжаттар мен нормаларды жүйелеген, бүгінгі біз білетін көптеген термин мен ұғымды қазақша қалаған, заң ісімен теориялық-тәжірибелік тұрғыда қатар айналысқан маман.

1905-1920 жылдары Алаш ұлт-азаттық қозғалысының сапында болған.

1922-1929 жылдар аралығында Қазақ АКСР Юстиция Халық Комиссариатының заң шығару және сот ісін бақылау бөлімінде менгеруші қызметін атқарған. Совет үкіметі орнағаннан кейін Наркомюстқа (Бүгінгі Әділет министрлігі) жауапты қызмет атқарған азамат әр жылдары «Нотариат туралы заң, ереже, нұсқаулар» (1928), «Жер заңы» (1927), «Ақылы істерді жүргізу заңы» (1930), «Ақы заңы» (1926), «Неке, үй-іші және қамқорлық туралы заң» (1930) кітаптарын жазып, шығарды. Кейбір орыс ғылымынан аударып, қазақша сөйлетті. Өкінішке қарай, Сейдәзім де қуғын-сүргін құрбаны болды. 1929 жылы «Халық жауы» деген айып тағылып, Воронежге жер аударылды. 1938 жылғы 11 қазанда Сейдәзім Қадырбай ату жазасына кесілді. Денесі Воронеждегі қуғын-сүргін құрбандарының зиратына жерленген.







